

隆乾

畢節縣志

清·董朱英 修 路元升 等纂

乾隆二十三年刻本 八卷

一九六五年貴州省圖書館據北京故宮

博物院藏刻本傳鈔本複製油印本 附校勘記

畢節縣志複製說明

畢節縣志，八卷，清乾隆二十三年知縣董朱英等修，路元升等纂，同年付梓。原書版框高六·五市寸，寬四·七市寸，現據本館所藏鈔本（一九六五年初據故宮博物院藏刻本傳鈔）複製。

複製時對鈔本中的部份錯別字及缺字，已據同治畢節縣志稿及光緒畢節縣志進行校正和補入，未能補入者，以「□」代之。凡經校改及補入之字，均載書末所附之「校勘記」中，以便讀者參考。

畢節縣志

複製說明

考。複製本如有不妥之處，歡迎讀者批評指正。

承故宮博物院協助鈔錄，謹此致謝。

貴州省圖書館

一九六五年十月

重修畢節縣志序

予同年友董君陶然敦篤慎悌學問宏深而其經濟才又豁達俊偉肆應咸宜乾隆甲戌十一月奉天子命蒞黔之畢邑邑當滇蜀要道自建縣以來休養生息風俗隆隆日起而志書歲殘蠹耗湮沒不彰此雖彼郡人士之事亦不可謂非今斯邑者之責也董君甫下車慨然念之即搜遺稿郵書招予過從討論予因年邁不便遠行且聞萬山綿亘苗獠與民雜處邇來鼓鑄鉛運以及稽查稅務召募夫

畢節縣志

序

沒寬則有妨

功令嚴則易拂人心素號難治最費經營恐董君履任伊始亦奚暇以文獻為兢兢爰婉辭以謝之越二年餘人之來自黔中者無不咸稱其愛民如子與舉廢墜是以合境歡忭大憲器重而惟邑志尚未編纂予念邑雖蕞爾向為重鎮自元明以來奸宄百出擄掠時聞不知幾經籌畫費討平幾許官弁防禦乃得黎民晏堵絃誦振興則其間文武忠孝義夫節婦兼之撫綏周徧未雨綢繆之計當

不可勝數今幸際昇平之世得賢而有才如董君者為之宰更值政通人和百廢具舉之候倘不及時修輯將所謂湮沒者終於湮沒亦奚以昭職守而垂法戒乎予老朽不獲執鞭從事思遙寄一言相促不意董君業已告竣不遠數千里示予也夫乃知向之疑其不暇與今之疑其不為總予私心揣度耳曾是董君之才而顧不能以公餘與都人士商榷成書也哉披讀再三洵見其經濟過人甚遠有非淺識可以窺及者若夫考訂之精詳增補

畢節縣志

序

二二

之確核足以信今傳後此固有目所共賞無煩縷述予惟折服董君惓惓畢邑之苦衷為畢邑幸焉爾

乾隆二十二年歲次彊圉赤奮若如月

賜進士出身

誥授資政大夫禮部左侍郎

予若在籍食俸年眷弟 古吳沈德潛

重修畢節縣志序

邑之有志所以徵時事辨人物定疆里信今傳後之書也畢節自奢香獻道以還芟夷榛莽先於省會通滇通蜀實為要區是以元明之間寇盜充斥干戈迭起斯民不勝其凋敝幸遇我

朝遷衛為縣輕徭薄斂仁義漸摩教養百十餘年之久而後文物聲明彬彬稱盛洵乎畢之涵濡德澤視內地為倍深而畢之詮述淵源亦較他志為倍急也前令淳安方君取黔記中畢志一冊命羅明

畢節縣志

序

三三

經英與多士分纂發潛闡幽釐為二卷及南陵柯君為宰偕張廣文鯤畧增舊稿數年後邵明經熙載謂其猶有失實復加筆削補所未備惜未雕板傳寫漫訛考之柯本久而漫滅噫畢志何不絕如線若此甲戌冬余膺

簡命承乏茲土搜其遺草帝虎魯魚紛紛錯思與邑人校訂郵書請同年沈歸愚先生來黔總裁其事時先生以年高堅却余亦以兵刑賦稅局廠諸事未易釐剔兼之巽官漫漶書院傾圮苗夷頑梗皆

急需整理安有餘力講求今昔時事之盛衰人物之顯晦以及疆里之變常乎於是舉其所宜先者虛衷體察竭力經營勉勉循循行二年餘各俱畧有端緒擬將舊本反覆深維補輯成帙適聞中馮先生及江左家弟半壑後先過署余即請其互相考訂延衆紳士彙集編纂功未及半而馮先生仙逝惟家弟與紳士輩悉心搜討改其失誤疏其支離正其矛盾並採年來應脩事實商酌詳明一一增補仍費至歸愚先生處求其裁定乃得繕寫磨

畢節縣志

序

四四

勸壽以養梨倘生斯土者展卷之下恍然於太平溫飽之有由而為子思孝為臣思忠無負

國家教養之深恩是余脩志者之所厚望也夫

乾隆二十三年歲次戊寅夏四月上浣

賜進士出身文林郎知畢節縣事內陞奉直大夫部員

外郎順天董朱英序

畢節縣志舊序

方瑞合

周禮大司徒掌九州輿圖紀其廣輪與山林川澤丘陵墳衍原隰之名物職方氏辨五土百族九穀六擾之要周知其利害即後世郡邑志之所由昉乎夫國無史治亂興衰無由鏡家無乘世德源流無由考若邑無志則錢穀戶口阨塞險要風俗人物以及山川道里之遠近災祥時政之得失又奚以洞悉無遺故考亭所至即以脩輯為急所重概可知矣黔去京師萬里荒服也畢去黔復數百里

畢節縣志

序

五五

介古梁西南夷穴地不啻大人不數千疑無庸志然一民尺地莫非臣土可曰彈丸黑子竟置弗錄耶考舊志畢節始於前明洪武二十一年一時戍守之官軍來自中州冠婚喪祭不類夷俗後二七十七十餘年間家結戶誦合畢赤兩地提南官者四人登賢書者四十五人男子之盡忠盡孝女子之為貞為烈往往不乏在名邦雖不足多而邊陲荒裔殊可稱善也

本朝順治十八年入版圖康熙二十六年建縣余於

改設之二年來令茲土初入境見山田荒蕪民凋
物敝披簿書則里甲混雜行釋菜則瞻拜無地問
志籍則兵火無存即欲效考亭脩輯未遑也今承
乏三載鴻雁漸歸疆界漸楚石田漸熟學校義館
亦稍稍脩築倘邑志仍聽缺畧奚以繼前微而啟
後美乎爰搜遺編斷碣得十之七讀郭青螺先生
通志得十之三命邑人羅英屬稿裁定上下二卷
曰輿地曰建設曰民物為考者三為目二十有五
曰官師曰科貢為表者二為目一十有五曰名宦

畢節縣志

序

六六

曰人物為傳者二為目一十有二曰雜記為目六
曰藝文為目九凡萬有餘言雖未能彰往示來庶
一方之錢穀戶口阨塞險要風俗人物以及山川
道里之遠近災祥時政之得失可籍是無憾文獻
之不足也乎是為序

舊序

羅英

畢志係明萬曆高少室韓襟江兩先生所纂後兩
罹火焰失傳即得一二故老所聞亦祇存十一於
千百可慨也康熙八年復貢例余授教清平禮謁

郭青螺伯於幕見明大中丞郭青螺先生所修黔
記中有畢志一卷即借歸手抄以俟續輯五十餘
年未記事俾後起者有所考奈寄命黃口朝暮冬
烘無一日之暇今于二十六年秋奉督撫奏准畢
節改衛為縣部選方公來宰斯土命余纂校志乘
將前所抄者率同人分類採訪編輯成書雖掛漏
之病誠所不免而因方公微獻考文得償余續輯
之夙願非余之大幸也哉

舊序

柯天健

畢節縣志

序

七七

竊惟事無關乎興廢者不必創於前義非切乎勸
懲者亦無俟繼於後故貞淫並陳國風之訓也淑
慝具載春秋之筆也知此可通其說於志志者記
也史之支輔也三代有史而無志夏之禹貢周之
周禮尚已司馬氏於紀傳年表之外若禮樂律曆
及天官河渠志焉而名之以書至班氏始著為志
後乃因之通都郡邑咸得舉焉此志之所由來也
黔之有畢衛改為縣其原委前人已先我言之無
煩復贅癸巳歲孟春余奉

天子命承乏茲土入境以來觀山川之巉瀾風俗之淳
漓人物戶口之錯雜思一詳其巔末因數十年前
兵燹頻仍典籍殘缺悵焉莫考嗚呼蘭臺石室代
有傳人前者耳熟後者茫茫是誰之過歟爰與廣
文張君慨焉作興取前任方公舊稿孜孜校讐庶
合邑之土地山川人民物產戶口賦役古跡舊墟
政事風俗俱一一瞭如指掌絕無疑義但自愧才
疎學淺且蒞任未久不敢妄有增損貽識者惟
願後之同志再加詳核補其不逮俾斯集得成全

畢節縣志

序

八八

璧或於政教之興廢人心之勸懲未必無以補云

舊序

邵熙載

我黔自前明建置以來惟倚以衝中丞通志最詳
其他郡邑之有志者絕鮮畢志附於省乘甚為簡
畧至萬曆間高韓兩先生乃得修明尋火於兵燹
滅莫考康熙二十六年同鄉羅奏五先生訪傳聞
於故老討軼事於殘篇歷兩載而志成其間之為
綱為目瞭若指掌越甲午司鐸張德江因其遺稿
增減成書余閱之山川關梁其有定也而易位者

十之 人物名宦其共傳也而遺逸者十之二建
設記事之影影可考也而歲月五清者十之一藝
文僅錄一己之批評職官盡削前人之名姓耳目
之近尚多失實况遠者乎每與同人話及不勝扼
腕意欲考正以成實錄自惟窘陋無能為役低徊
久之乃思志者志已事也義先比事詞之工拙弗
計焉遂不自揆於雍正乙卯長夏取其刻本次第
而稽其者仍之舛者正之漏者補之濫者去之依
奏五先生體例細加校正刪繁就畧萬有餘言并

畢節縣志

序

九九

續康熙壬申以後五十餘年遺事以成全書明知
疎淺不文不能彰往示來然以備一方紀載亦未
必不可為故帙云

舊序 補編

張 鯤

畢節原無志洪武十六年允穎川侯傅友德之奏而衛治始設焉二百七十餘年欽惟我

世祖章皇帝膺圖御宇革去衛所指揮千百戶而設以守備所千總之流官以治之隸於黔之都司制斯善矣嗣因州縣衛所等官文武殊途軍民歧視權不畫一於康熙二十六年蒙總督雲貴都院范公諱承勳者特疏題

請改衛為縣而以赤水衛附之斯又盡善而盡美矣自

畢節縣志

序

十 十

改縣迄今幾二十餘載鮮有簪筆文獻莫徵鯤是以憂之憂之維何曰荒已漏已墜已跌已紛已考之璇璣曰井鬼曰背參於彼乎於此乎庸毋荒問其始曰烏壘也曰羅甸也曰八番宣慰司也勿之據矣庸毋漏城其築乎而雉堞無存官其建乎而爵秩莫考庸毋殘奢寅之變付諸莽矣邦彥之戮厥為燼矣庸毋墜畢赤之山川如故也創制依然也而鄉賢勿問名宦難稽矣庸毋軼田賦混淆戶口流遺也庸毋紛方今

聖天子撫有九有擴清無外百代靈長之慶悠久無疆

而願使禹貢之內有荒漏殘墜軼紛之虞何以紓南顧而答

聖明乎鯤於是旁搜曲證得邑人羅英之抄本而合之貴州通志之紀載晝夜校讎閱兩月而始就緒荒則正之漏則葺之殘則整之墜則舉之軼則補之紛則畫之正斯無忒葺斯無缺整斯無敝舉斯無廢補斯無遺畫斯無偏鯤之所以釋此憂也其在茲矣為綱有十為目六十三非惟是畢節也畢節

畢節縣志

序

十 十

志成則言畢節也考古者可以繩今彰往者可以察來知已然者可以知未然志者繩也鏡也坊也問地方之原昔何以夷而今何以漢問建設之制昔何以武而今何以文問衛治之名昔何以分而今何以合問科目之數昔何以盛而今何以衰也問忠孝名節昔何以有而今何以無也問土田戶口昔何以腴且庶而今何以瘠且凋也若此者非鯤與紳士之憂抑亦當事諸公先一邑之憂以成盛世休明之治永彰

聖天子萬壽無疆之樂爾至於踵事而增之尤有望於
賢宰主持而幸觀厥成矣是為序

康熙五十三年歲在甲午孟夏畢節縣儒學教諭
張綬

按此序應列邵序之前緣刊成後乃見柯志是以
補載末幅他如壇廟官制學校古蹟邱墓災異藝
文等處凡邵志所脫略者概查柯志補入并跋

畢節縣志

序

十三

重修畢節縣志姓氏

總裁

禮部左侍郎在籍食俸江南蘇州府 沈德潛

監修

知畢節縣事內陞部員外郎 董朱英

畢節縣儒學教諭 吳紀

畢節縣儒學訓導 徐學典

監刻

畢節縣典史 金觀

畢節縣志

姓氏

一一

考訂

原任邵陽縣知縣 閻澤 馮文基

江南嘉定縣生員 唐材

纂修

丙辰進士原任上杭縣知縣 路元升

甲戌進士檢發河南試用知縣 張鵬九

丙辰舉人開泰縣儒學教諭 孫廷標

吟 酉 副 榜 邵仁厚

丙 子 副 榜 張鵬視

參校

拔貢生檢發四川試用直隸州州判 阮樹

例貢生檢發山東試用府通判 韓鏞

歲貢 吳應徵

歲貢 金淑國

生 員 王玉成

生 員 金溢國

生 員 秦學瀚

採訪

畢節縣志

姓氏

二二

生 員 王九齡

生 員 楊椿

生 員 朱之緒

生 員 路邵

生 員 金如姚

編次

生 員 劉廷梓

生 員 羅福

童 生 洪兆燮

畢節縣志

凡例

一志稿乃大定郡守牛公思凝所遺而牛公本之邑

人羅君英邵君熙載轉相鈔寫行款舛錯且魯魚

之誤亦不可勝數今悉會文義改正不可改者缺

之不敢附會

一志在傳信文筆次之而支離拖沓句讀不克分明

者則又不堪披閱故遇不得已處不免畧為削直

庶幾文從字順

畢節縣志

凡例

一一

一志書體例不厭精細舊本可仍者仍之否則易之

並非有意更張

一名宦姓氏有舊稿未載而或見藝文或列省志凡

有功斯土者不憚一一討入

一山川名勝詩古文詞有向屬畢節今改大定永寧

者茲不贅錄乃免淆混

一詩賦入志或事以文重或文以事傳非比選家必

嚴聲剔然買菜求多適以暴人之短轉不若藏拙

之愈也况一人登數首以至瑕瑜參半者尤當去

瑕存瑜此余於舊稿不免稍刪一二識者諒之

畢節縣志

凡例

二二

畢節縣志目

卷一 疆輿

建置

勅諭

疏本

詳文附牒移

分野

圖形

城池

境界

形勝

山川

公署

坊表

關梁

壇廟

氣候

古蹟

屯堡

風俗

邱墓

畢節縣志

目

一一

卷二 秩官

官制

道員

分府

指揮

知縣

學職

經歷

典史

道學

守備

衛守備

衛千總

千百戶

名官

補

管千總 外委千總
管千總 外委千總

卷三 學校

學宮

書籍

祭器

學田地

書院

進士

疆輿志

自奢香獻道皇華始驛畢節開闢在省會未設之先溯其初披榛斬棘不過借徑以通蜀通滇迄於今俗易風移遂已特書為大官大邑則稽因革於傳聞驗盛衰之往復正不得不窮源而竟委也志

疆輿

建置

貴州本禹貢荆梁二州徼外地皆蠻夷淵藪畢節在其

畢節縣志

卷一 疆輿

一

西北與滇蜀接壤秦屬黔中郡漢屬牂牁郡唐屬羅甸國宋屬大萬谷落總管府元屬八番順元路明屬宣撫安撫司洪武十四年潁川侯傅友德征南奏置烏蒙烏撒等衛畢節遂為衛驛十六年因驛改衛屬貴州都司領守禦所一二十一年置層臺衛旋廢又置赤水衛領左右前後中所五

國朝初年因之康熙四年改畢節衛隸大定府二十六年以赤水衛併入畢節為畢節縣隸威寧府雍正七年改移府治仍隸大定編戶四里畢節曰常禧永豐赤水

曰常樂大康是年清理疆界割河北大康里歸四川敘永廳以河南鎮西北摩鐮刀灣水潦灣溪發朗家憂摩底八夷屯歸畢節

畢節縣志

卷一 疆輿

二

核諭

明太祖諭畢節衛都指揮林秀教

昔者聖王之治天下也必資威武以安黔黎未嘗
專修文而不演武朕特倣古制設武職以衛治功
受斯任者必忠以立身仁以撫衆智以察微防奸
禦侮裁無暇時能此者則榮及前人福延後嗣而
身家永昌矣敬之勿怠

諭平西侯沐英教

東川芒部彝種雖異而其始皆出於羅羅厥後子

畢節縣志

卷一 疆輿

三三

孫繁衍各立疆場乃異其名曰東川烏蒙烏撒芒
部祿摩水西無事則互起爭端有事則相為救援
若唐閻羅鳳之居大理唐兵追捕道經芒部諸境
外稱歸順內實挾詐聚衆積兵據險設伏唐將失
備遂墮其術以致喪師數十萬皆將帥過信無
謀故也近稱諸彝不叛者號為循良雖未可逆詐
然須防閑嚴整師旅使不得肆其奸謀然後賊可
破也

疏本

衛所歸併改設州縣疏

范承勳

題為查議冗員以培民力事該臣看得滇黔衛所
歸併臣仰體

皇上愛民至意悉心籌畫從議汰冗員甦息軍民起見
到任後即檄行二省藩臬會同妥議通詳除滇省
各衛所已經臣議裁具題在案據貴州布政司
柯鼎會同按察司季之粹公詳復批令再加確議
茲據詳稱查黔省衛所康熙十一年間已將清平

畢節縣志

卷一 疆輿

四四

等五衛改縣安莊衛改州現今尚存十五衛十所
其間有專城有與府州同城者有與州縣犬牙相
錯者軍丁畊田納糧與民無異所當分晰裁併改
設如偏橋衛在鎮遠一府兩縣之間查施秉縣民
糧稀少應將偏橋衛裁併施秉縣仍屬鎮遠府管
轄裁去守備一員至施秉縣原未設學裁去衛教
授一員改設縣訓導一員舊衛地方應設偏橋驛
驛丞一員管理驛務興隆衛地錯黃平應將興隆
衛裁併黃平州移州於衛治管理驛站仍屬平越

府管轄裁去守備一員經歷一員其原設興偏營改為黃施營營制照舊至黃平州學原兼餘慶甕安二縣學今州治既移興隆裁去教授一員以州學正移駐衛治於甕安縣另設訓導一員兼攝餘慶縣學務新添衛附近貴定縣田賦無多應將新添衛裁併貴定縣移縣於衛治管理驛站仍屬貴陽府管轄裁去守備千總經歷各一員查貴定縣原與龍里縣合學今裁衛教授一員改設縣訓導一員貴州貴前二衛同附會城應裁改為一縣恐

畢節縣志

卷一 疆輿

五 五

兩縣地方差徭不均將附近新貴縣量行割附應名貴筑縣亦屬貴陽府管轄至兩衛原未設學應無庸議裁去守備千總各二員經歷一員改設知縣典史各一員此貴東各衛之裁併改設者也如鎮西威清二衛壤地相接應共設一縣而以赫聲威武二所附之縣駐於威清管理驛站應名為清鎮縣裁去守備千總經歷守禦所千總各二員改設知縣典史各一員查鎮西衛原附安順府學今二衛改設一縣裁去威清衛教授一員改設縣訓

導一員平壩衛路當孔道管理驛站應改設一縣即名安平縣附近之柔遠所附之裁去守備千總經歷守禦所千總各一員改設知縣典史各一員裁去教授一員改設訓導一員安南衛亦在大道管理驛站應改為一縣即名安南縣裁去守備千總各一員改設知縣典史各一員裁去教授一員改設訓導一員其附近普定之定南所裁併普定縣附近南籠廳之安籠所裁併南籠廳管轄裁去守禦所千總二員至普安州同城之普安衛應裁

畢節縣志

卷一 疆輿

六 六

併歸州裁去守備千總經歷各一員仍俱屬安順府管轄但普安設有兩站州官僅可管理在城驛務吏目又有佐理巡捕之責其資孔一驛應設驛丞一員管理此貴西衛所之當裁併改設者也又會城西北之敷勇衛應改設一縣而以修文濯靈息烽于裏四所附之即名修文縣仍駐衛治亦屬貴陽府管轄裁去守備經歷各一員守禦所千總各四員改設知縣典史各一員裁去衛教授一員改設訓導一員又永寧衛係川黔襟喉要地應改

為一縣而以普市所附之即名為永寧縣裁去守備經歷守禦所千總各一員改設知縣典史各一員裁去教授一員改設訓導一員畢節衛無州縣可歸亦應改設一縣而以赤水衛附之即名畢節縣裁去守備二員經歷二員改設知縣典史各一員裁去教授二員改設訓導一員二縣俱屬大定府管轄至威寧府同城之烏撒衛應裁衛歸府裁去守備千總各一員及衛教授一員歸併府教授此西北衛所之當裁併改設者也再查衛所既裁

畢節縣志

卷一 疆輿

七七

都司一員無所事事亦應裁去武備事務即令藩司料理操捕都司一官亦應裁去製辦火藥應照他省例責令城守營管理其都司經歷併應裁去以上共應裁去都司一員都司經歷一員守備一十五員衛千總一十員守禦千總一十員衛經歷一十一員衛教授一十一員俱各咨部改補共應改設知縣七員典史七員訓導七員驛丞二員應請由部照缺銓補再查各府有稱軍民者今既概編為民則軍民字樣亦應裁去等因前來臣覆加

請酌似宜代併改設以昭畫一以垂經久通計議裁各官共六十員設官共二十三員稍減經費以舒物力或亦有官省事之一助也至有各衛所曰土人民跨入他境應查坐落附近州縣酌量歸併及新設之縣幅員太廣應查近鄰州縣糧額多寡酌量割附容臣行令該司逐一查明分晰另冊報部外臣謹會同貴州撫臣慕天顏合疏具題伏乞

睿鑒敕部議覆施行

畢節縣志

卷一 疆輿

八八

請建學疏

田雯

題為 聖治普洽震區敬請修舉學制以隆文教事竊惟全黔邊徼遐陬民苗雜處禮讓未興剽悍成習恭惟我皇上道隆德盛興學崇儒文明光被凡芹藻之子均沾教化秀頊之民咸沐恩澤固已彬彬稱盛矣臣忝任撫黔以敦崇學校為先蓋學校之關係乃風俗人心之根本禮明樂備者猶將踵事增華簡畧固循者曷不乘時興舉按永寧獨山麻哈三州貴筑

普定平越都勻鎮遠安化龍泉銅仁永從九縣尚
俱未設學校據該士子紛紛呈稟荒寒之士勵志
芸窗登進無自臣借司道諸臣等議建學育才似
不可緩凡一切庀材考工未敢仰需公格而
題額芹堂

御書首重前奉頒賜尚餘八幅理合額懇

睿慈一視同仁敕該部再頒四幅以便製匾恭懸至於
額進童生查貴筑為省會附郭之縣謹擬照大學
考取十五名餘則概照小學考取八名武生貢廩

畢節縣志

卷一 禮典

九九

一循定例而行董平職官貴筑應請部選訓導一
首餘俱暫以附近牧職兼攝俟人文寂廣另議專
官又按新添鎮西興隆烏撒赤水五學近因裁衙
因而歸併貴定清鎮黃平威寧畢節矣夫合兩地
之人才限一序之定額為數較窄生童進取未免
滯淹以故連名訴陳迄無止息臣思五衛舊學
御筆輝煌先師之所式憑諸生之所景仰何可輕言汰
併自應照舊存留即以貴定等五學董率之此確
有直隸延慶懷來之近例可援凡此者或留舊學

於既裁或議新序於初創臣非敢過瀆

宸聰實以黔省窮荒固陋必崇文治而後可以正人心

變風俗非如他省化行俗美者可比合應仰懇

聖化之隆仁義漸摩馴致士風之厚彼蠢爾有苗當無

俟七旬而咸格矣再照平溪清浪二衛歷係黔屬

思州府提調應試貴陽不過五百餘里前因用兵

之際將驛站改隸楚南而學校隨之諸生應試東

下武昌迢遙川途不下二千五六百里資斧既艱

而鼓柁洞庭駭浪驚濤士心恒多畏阻臣赴任時

畢節縣志

卷一 禮典

十

身過其地同聲呼籲云兩科以來從無一士能赴

武昌應試者情殊可憫應請復還黔屬就近提調

之制以示作養緣統係學制事宜用敢類列陳請

臣謹具

題伏乞

敕下部議施行